



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

25 JANUARI 2022 (SELASA)



KEMENTERIAN PERDAGANGAN DALAM NEGERI
DAN HAL EHRAL PENGGUNA

**KERATAN AKHBAR
DAN MEDIA ONLINE
(KPDNHEP)**

25 JANUARI 2022 (SELASA)



ISMAIL SABRI (tengah) komited untuk memastikan isu kenaikan harga barang dapat ditangani segera.

Perdana Menteri akan pengerusikan mesyuarat khas

Isu kenaikan harga barang jadi tumpuan

Oleh LUQMAN RIDHWAN
MOHD. NOR

PUTRAJAYA — Perdana Menteri, Datuk Seri Ismail Sabri akan mempengerusikan mesyuarat Majlis Tindakan Sara Hidup Negara (NACCOL) dalam masa terdekat bagi mendapatkan penjelasan berkenaan isu kenaikan harga barangan.

Berkaitan perkara tersebut, tegas beliau, kerajaan amat prihatin mengenai hal membabitkan rakyat terutama mengenai isu kenaikan harga barang berkenaan.

"Kerajaan komited memastikan isu ini segera ditangani demi kesejahteraan Keluarga Malaysia," katanya menerusi satu siaran di laman Twitter semalam.

Kosmo! pada Isnin lalu melaporkan tentang kenaikan harga barang dan perkhidmatan yang menjadi punca golongan pekerja



KERATAN Kosmo! 17 Januari 2021.

dan peniaga tertekan.

Tinjauan yang dilakukan mendapati perbelanjaan bulanan kini meningkat antara RM100 hingga RM300 berikutan pertambahan harga barangan yang didakwa bermula hujung tahun lalu sehingga ke hari ini.

Sebagai contoh, harga nasi lemak bungkus meningkat kepada RM2 berbanding RM1.80 tahun lalu, manakala servis mencuci kereta pemandu lalu meningkat daripada RM5 kepada RM8.

Dalam pada itu, Ismail Sabri

berkta, Mesyuarat Majlis Tindakan Ekonomi (EAC) telah bersetuju secara prinsip untuk mempertimbangkan bantuan berbentuk geran khusus bagi meringankan beban yang ditanggung oleh usahawan mikro dan informal yang terjejas akibat banjir.

Katanya, persetujuan itu dicapai pada mesyuarat EAC yang dipengerusikan beliau hari ini bagi membincangkan secara terperinci mengenai impak banjir ke atas Perusahaan Mikro, Kecil dan Sederhana (PMKS) termasuk peniaga informal.

"Kementerian Kewangan (MOF) akan mengadakan perbincangan bersama Kementerian Pembangunan Usahawan dan Koperasi (MEDAC) serta agensi berkaitan termasuk Dewan-Dewan Perniagaan bagi memperhalusi cadangan-cadangan yang telah dibentangkan," jelasnya.



TELUR gred C dan D kini menjadi pilihan pengguna di Lembah Klang kerana harganya lebih murah.

Harga lebih murah, mudah didapati di pasaran

Telur gred C, D jadi pilihan pengguna

KUALA LUMPUR – Pengguna di Lembah Klang kini dilihat beralih kepada telur gred C dan D berbanding gred A dan B berikutan harga yang lebih murah selain mudah didapati.

Telur gred C dan D rata-ratanya dijual pada harga antara 38 sen hingga 39 sen sebiji berbanding 41 sen hingga 43 sen sebiji bagi gred A dan B.

Situasi itu turut menyebabkan berlaku lambakan bekalan telur gred A dan B di pasaran sehingga menyebabkan bahan asas berkenaan busuk tidak terjual.

Bagi peniaga telur dikenali Ahmad, keadaan itu berlaku selepas pelaksanaan Skim Harga Maksimum Keluarga Malaysia (SHMKM) tahun lalu yang seterusnya menyebabkan margin keuntungan menjadi rendah.

Katanya, peniaga hanya meraih untung sebanyak 30 sen bagi satu papan telur gred A dan B berbanding 90 sen sebelum pelaksanaan SHMKM.

"Berikutan itu banyak telur jadi busuk kerana tiada pembeli dan seterusnya menanggung kerugian. Sudah 40 tahun saya

berniaga, ini la tempoh paling sukar sepanjang saya berniaga," katanya kepada Kosmo! semalam.

Luahan yang sama disuarakan seorang peniaga dikenali Siti yang memberitahu, keuntungan kecil menyebabkan pembekal dan pemborong turut mengehendakan bekalan telur gred A dan B kerana tidak mahu menanggung kerugian.

"Pelanggan tiada, sampai telur busuk. Pengguna hanya ingin membeli telur jenis gred C dan D sebab mereka dapat berjimat," ujarnya.

Situasi sama turut disuarakan seorang pekerja sebuah pasar raya yang memberitahu, kebanyakan pelanggan menjadikan telur jenis gred C dan D sebagai pilihan sehingga pihaknya mengalami kerugian.

Sementara itu, seorang suri rumah dikenali Intan Liyana memberitahu, kualiti gred C dan D tidak jauh berbeza dengan telur gred A dan B yang dijual lebih mahal.

"Bagi saya telur gred C dan D tetap berkualiti asalkan kulitnya nampak rata dan bersih serta

segar sudah cukup. Tidak perlu mengeluarkan belanja lebih untuk beli telur gred A dan B.

"Ini kerana, keperluan bahan basah bukan hanya untuk telur sahaja, memandangkan hampir semua kos barangan lain sudah naik sekarang," jelasnya.

Sementara itu, seorang pegawai perhubungan awam, Maria Hayati Ahmad, 28, berkata, tidak

berbaloi untuk dirinya membeli telur jenis gred yang tinggi pada harga yang mahal memandangkan semua jenis bahan asas itu sama dari segi tahap kesihatan.

"Mustahil hari-hari saya nak makan telur. Jadi tidak ada sebab saya nak beli gred mahal.

"Beli telur gred C dan D sama sahaja dengan jenis gred A dan B. Kalau ada beza pun mungkin dari segi proses penghasilan gred A dan B lagi bersih," jelasnya.

Senarai Harga Barang Keperluan							
• Ayam	RM7.99	• Telur Gred A	RM12.75	• Gula Pasir	RM2.85	• Cili Merah	RM9.90
• Daging Lembu Tempatan	RM40	• Ikan Kembung	RM15.90	• Bawang Besar Holland	RM1.80	• Kubis Bulat Tempatan	RM4.50
• Daging Lembu Import	RM35	• Minyak Masak	RM6.38	• Bawang Putih	RM5.50	• Tepung Gandum	RM2.20

*Harga (RM/kg) Sumber: KPDNHEP